

На Гóсподи воззвáх, глас 2:

Всѣм предстáтельствуеши, Благáя, / прибегáющим с вѣрою в держáвный Тво́й покрóв: / ино́го бо не íмамы грѣшнии к Бóгу в бедáх и скóрбех прísно избавлѣния, / обременѣни грехí мно́гими, / Мáти Бóга В́шняго. / Тѣмже Тí припадаем: // избáви от всякаго обстоя́ния рабы́ Тво́я.

Всѣх скорбѣщих рáдосте, / и обíдимых Застúпнице, / и áлчущих Питáтельнице, / стрáнных утешѣние, / обурева́емых пристáнице, / больн́ых посещѣние, / немощн́ых Покрóве и Застúпнице, / жѣзле стáрости, / Мáти Бóга В́шняго Ты еси́, Пречíстая: // потщ́ися, мо́лимся, спаст́ися рабóм Тво́йм.

Глас 4:

Рáдуйся, Богомáти Пречíстая; / рáдуйся, вѣрным надѣждо; / рáдуйся, мíру очищѣние; / рáдуйся, избавля́ющая всяких скорбѣй рабы́ Тво́я; / рáдуйся, пристáнице обурева́емым; / рáдуйся, всемíрный свѣте; / рáдуйся, утѣшительнице и застúпнице христиáн; // рáдуйся, прибѣжище и спасѣние всѣх блажа́щих Тя, Богоневѣсто.

Глас 8:

Рáдуйся, Ангелов рáдосте; / рáдуйся, челове́ков славо; / рáдуйся, вѣрных надѣждо и предстáтельство, / стенó и заступлѣние, Влады́чице Богомáти Пречíстая, / Яже Бóга плóтию неискусомúжно рóждшая, Избáвителя мíру; / не прѣзри рабы́ Тво́я, / но мольба́ми Тво́ими от одержáщих нас избáви искушѣний, и бѣд, и обстоя́ний, / всѣх скорбѣщих рáдосте, // е́дина христиáн прибѣжище.

Рáдуйся, Богорóдице Всепéтая; / рáдуйся, истóчнице, живóт
вёрным источáяй; / рáдуйся, всéх Влады́чице и Госпожé твáри,
Благословénная; / рáдуйся, Всенепорóчная, Препрослáвленная; /
рáдуйся, Всепречíстая; / рáдуйся, купинó неопалíмая; / рáдуйся,
горó святáя; / рáдуйся, сáде живонóсный, / рáдуйся, раю́
одушевлéнный; / рáдуйся, Мáти Дéво; // рáдуйся, Богоневéсто.

Рáдуйся, вселénная похвалó; / рáдуйся, хра́ме Госпóдень, /
рáдуйся, горó приосенénная; / рáдуйся, всéх прибéжище, /
рáдуйся, свéщнице златый; / рáдуйся, слáво правослáвных честнáя; /
рáдуйся, Мари́е, Мáти Христá Бóга; / рáдуйся, раю́; рáдуйся,
Божéственная трапéзо; / рáдуйся, сéне; рáдуйся, стáмно всезлатáя; //
рáдуйся, всéх упováние.

Слáва, и ны́не, глáс б:

Приидíte, празднóльных собóри, / святую́ Дéву Богоотрокови́цу
ублажím, / рáдости бо и спасéния Ходáтаица бы́сть мíрови, /
я́ко рóждшая Христá Бóга. / Сию́ бо Оте́ц Пребезначáльный, / от всéх
родóв едíну избрáнную, Дщéрь Себé именová; / Сын Собезначáльный
и Соприсносущный в Мáтерь избрá; / Дух же Святый я́ко Пречíстую
Невéсту Себé Боголéпно сочетá. / Сию́ я́ко Богоизбрáнную и
Благословénную в женáх / Вы́шняя сíлы немóлчными пёсньми
величáют, / Гаври́ила имúща чиноначáльника: / Благодáтная, рáдуйся,
с Тобóю Госпóдь. / Сию́ патриáрси, прорóцы и всí святíи / со прорóком
Давíдом рáдостными глáсы венчавáют: / предстá Царíца одесную́
Тебé, Влады́ко, / рýсны златы́ми одéяна / и преукрашéна
Божéственными благолéпотами. / Сию́, я́ко держáвную Застúпницу
рóда нáшего, / и мы́, недостóйнии, воспо́им, глаго́люще: / рáдуйся,
Цéркве чúдное украшéние и все́му мíру предívный покрóве; /
рáдуйся, похвалó и рáдосте всéх земнорóдных; / рáдуйся,
Божéственное утешéние всéх скорбя́щих и обíдимых; / рáдуйся,
Обрáдованная, Госпóдь с Тобóю, // пода́й мíрови Тобóю вéлию
мíлость.

На литии, глас 8:

Предстательнице верных, Богородительнице, / скорбящих радости
и плачущих великое утешение, / моли Сына Твоего, Христа Бога
нашего, / со Ангелы, и апостолы, и всеми святыми / избавити
нас в час испытания лютаго осуждения, / да Тобою спасение
улучивше, // во веки славим Тя, Препоблагословенную.

Верую притекаю к покрову Твоему, Богородительнице Пречистая: /
от напастей, и бед, и страстей томления, / и бесовскаго
озлобления спаси мя, / яко милости имущи пучину и спасения
явльшися Ходатаица, / Владычице, Яже Бога рождши Милостиваго, //
единого Всещедраго и Многоблагодарнаго.

Слава, и ныне, глас 5:

Вострубим трубою песней: / преклонши бо ся свыше, Всецарица
Мати Дева / благословенными увенчивает воспевающия Ю. /
Православные да стекутся / и Царице да воспещут в песнях, Царя
рождшей, / смертию одержимыя перее, разрешити человеколюбно
благоволившаго. / Пастырие и учителя, Добраго Пастыря Пречистую
Матерь, сошедшися, восхвалим, / небес пространнейшую,
одушевленный Господень кивот, / огнезрачный Владычень престол,
манноприемную златую стамну, / заключенную Слова дверь, всех
христиан прибежище. / И вси людие, песнями благоглаголивыми
похваляюще Ю, сиче рцем: / Мати Слова Божия, / сподоби
смиренныя ны Небеснаго Царствия, // ничтоже бо невозможно
ходатайству Твоему.

На стихóвне, Сла́ва, и ны́не, глас 4:

При́зри на моле́ния Твои́х ра́б, Всенепоро́чная, / утоля́ющи лю́тая на ны́ воста́ния, / вся́кия ско́рби на́с изменя́ющи: / Тя́ бо еди́ну, твёрдое и изве́стное утвержде́ние има́мы, / и Твоё предста́тельство стяжа́хом, / да не постыди́мся, Влады́чице, Тя́ призыва́ющи. / Потщи́ся на умоле́ние Тебе́ ве́рно вопи́ющих: // ра́дуйся, Влады́чице, все́х по́моще, ра́досте и покрóве, и спасе́ние ду́ш на́ших.

Тропарь, глас 8:

Ко источнику приснотекущему милосердия, / Пречистой Деве Богородице, / притецем, людие вси, священницы же и иноцы, / мужие, и жены, и чада, здравии и болящие, / в покаянии вопиюще и умильно глаголюще: / Владычице, помози грешным рабом Твоим, / яви яко Благая славу Твою, / присно потщися умилосердиться на ны, / испросити очищение душ и телес наших / от Источника жизни нашея, Бога, // Егоже родила́ еси, едина Благословенная.

глас 2:

Всех скорбящих Радосте, / и обидимых Заступнице, / и алчущих Питательнице, / странных утешение, / обуреваемых пристанище, / больных посещение, / немощных покрове и Заступнице, / жезле старости, / Мати Бога Вышняго Ты еси, Пречистая: // потщися, молимся, спастися рабом Твоим.

Конда́к, глас 6:

Не има́мы инья́ по́мощи, / не има́мы инья́ наде́жды, / разве́ Тебе́, Влады́чице, / Ты́ на́м помози́, / на Тебе́ наде́емся / и Тобо́ю хва́лимся, // Твои́ бо есмь раби́, да не постыди́мся.

Прокімен: Помяну́ імя Твоє́ / во всяком ро́де и ро́де.

По 50-м псалме стихіра, глас 6:

Архангельски воспоім, вѣрнии, / небесный черто́г и двѣрь запечатану воистину: / раду́йся, Ея́же ра́ди отрасте́ нам Спа́с все́х Христо́с, Жизнода́вец и Бо́г; / низложи́, Влады́чице, мучи́тели, враги́ наша, // руко́ю Твоєю́, Пречи́стая, упова́ние христиа́н.

На хвалітех, глас 2:

Раду́йся, все́х христиа́н наде́ждо и покрóве, Богома́ти Всенепоро́чная, / всея́ тва́ри честне́йшая, Небесных и земных сла́внейшая: / все́х бо родила́ еси́ Творца́ и Бо́га. / Но́, о Влады́чице, приими́ ми́лостивно моле́ния наша / и спаса́й нас всегда́ я́ко Благая́ и Ми́лостивая: / да с весе́лием лобыза́ем пресвяту́ю Твою́ ико́ну / и при́сно, раду́ющеся, восхваля́ем и велича́ем Тя, // Обра́дованная ра́досте вѣрных ра́б Твои́х.

Сла́ва и ны́не, глас 6:

Дне́сь собо́ри вѣрных, / соше́дшеся, духо́вно да торже́ствуем, / и Богоотрокови́цу Де́ву и Богоро́дицу / пе́снями благохва́льными ублажи́м, глаго́люще: / раду́йся, еди́на избра́нная от все́х родо́в в Ма́терь Превѣчнаго Сло́ва / раду́йся, вме́стилище Невме́сти́мага все́ми / раду́йся, Ангелов и Серафи́мов ра́досте; / раду́йся, проро́ков проповѣ́дание и похвало́; / раду́йся, апо́столов и святите́лей удо́брение; / раду́йся, му́чеников кре́посте и все́х пра́ведных сла́во; / раду́йся, держа́вный покрóве вѣрных; / раду́йся, скорбя́щих Божѣ́ственное утеше́ние; / раду́йся, в беда́х и напáстех су́щим ско́рое изба́вление; / раду́йся, грѣшников все́х прибе́жище и Благая́ Засту́пнице; / раду́йся, Благода́тная и Обра́дованная, с Тобо́ю Госпо́дь, // пода́яй ми́рови Тобо́ю ве́лию ми́лость.